

No. Rujukan : UTeM.02.05.03/100-3/2/2(2)



UNIVERSITI TEKNIKAL MALAYSIA MELAKA

**SURAT PEKELILING PENTADBIRAN
BILANGAN 2 TAHUN 2011**

**PENURUNAN KUASA MELULUS KELONGGARAN
SYARAT HAD UMUR MAKSIMUM BAGI
PELANTIKAN SECARA KONTRAK DI INSTITUSI
PENGAJIAN TINGGI AWAM**

Pejabat Pendaftar
6 Jun 2011

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Pegawai-Pegawai Kanan

SURAT PEKELILING PENTADBIRAN BIL. 2 TAHUN 2011

PENURUNAN KUASA MELULUS KELONGGARAN SYARAT HAD UMUR MAKSIMUM BAGI PELANTIKAN SECARA KONTRAK DI INSTITUSI PENGAJIAN TINGGI AWAM

1.0 TUJUAN

Surat Pekeliling Pentadbiran ini bertujuan memaklumkan kepada pengetahuan semua staf Universiti Teknikal Malaysia Melaka (UTeM) mengenai keputusan pihak Universiti atas perakuan Mesyuarat Lembaga Pengarah Bil. 2/2011 yang bersidang pada 24 Mei 2011 berhubung kelulusan pemakaian Surat Pekeliling Perkhidmatan Bil. 1/2011 berkenaan penurunan kuasa melulus kelonggaran syarat had umur maksimum bagi pelantikan secara kontrak di Institusi Pengajian Tinggi Awam.

2.0 LATAR BELAKANG

2.1 Penurunan kuasa menimbang pelantikan secara kontrak sebelum ini adalah berpandukan kepada Surat Pekeliling Perkhidmatan Bil. 3 Tahun 2008 (SPP 3/2008) – Penurunan Kuasa Menimbang Pelantikan Secara Kontrak oleh Institusi Pengajian Tinggi Awam dan telah diterima pakai oleh Universiti Teknikal Malaysia Melaka melalui Pekeliling Pentadbiran Bil. 44/2009.

2.2 Walau bagaimanapun, had umur maksimum bagi pelantikan secara kontrak ialah:

- (a) 60 tahun bagi pesara;
- (b) 56 tahun bagi warganegara (bukan pesara) dan bukan warganegara; dan
- (c) 65 tahun bagi semua pelantikan secara kontrak mengisi jawatan Pensyarah Universiti, Pensyarah UiTM, Pensyarah Perubatan, Pensyarah Pergigian, Pegawai Perubatan, Pegawai Pergigian dan Pembantu Perubatan.

2.3 Bagi urusan memudahkan kelulusan pelantikan calon secara kontrak yang melebihi had umur maksimum di IPTA, pihak kerajaan telah bersetuju untuk menurunkan kuasa melulus kelonggaran syarat had umur maksimum berkenaan kepada Pihak Berkuasa Melantik (PBM) IPTA iaitu Lembaga Pengarah Universiti (LPU) masing-masing melalui Surat Pekeliling Perkhidmatan Bilangan 1 Tahun 2011 (Penurunan Kuasa Melulus Kelonggaran Syarat Had Umur Maksimum Bagi Pelantikan Secara Kontrak Di Institusi Pengajian Tinggi Awam)

3.0 PENURUNAN KUASA MELULUS KELONGGARAN SYARAT HAD UMUR MAKSIMUM PELANTIKAN SECARA KONTRAK

Dengan keputusan kerajaan ini, pihak Universiti iaitu LPU boleh menimbang dan meluluskan pelantikan secara kontrak calon yang melebihi had umur maksimum seperti berikut:

- (a) 58 tahun bagi bukan pesara (warganegara dan bukan warganegara);
- (b) 60 tahun bagi pesara; dan
- (c) 65 tahun bagi skim perkhidmatan Pensyarah Universiti, Pensyarah UiTM, Pensyarah Perubatan, Pensyarah Pergigian, Pegawai Perubatan, Pegawai Pergigian dan Penolong Pegawai Perubatan.

4.0 PELAKSANAAN

4.1 Pihak Berkuasa Melantik (PBM) Universiti juga dalam menimbang kelonggaran syarat had umur maksimum bagi pelantikan secara kontrak di IPTA hendaklah mengambil kira asas-asas berikut:

- (i) Keperluan perkhidmatan yang mendesak bagi bidang-bidang kritikal yang ditentukan oleh IPTA;
- (ii) Kepakaran dan kemahiran calon yang sukar diperolehi walaupun pelan penggantian telah dilaksanakan;
- (iii) Calon yang mempunyai prestasi kerja di tahap baik dan disahkan sihat oleh pengamal perubatan berdaftar; dan
- (iv) Pelantikan kontrak tidak menjejaskan peluang kenaikan pangkat pegawai yang sedang berkhidmat secara tetap.

4.2 Pertimbangan dan kelulusan kelonggaran syarat had umur maksimum hendaklah dilaksanakan oleh LPU sahaja dan tidak boleh diwakilkan kuasa kepada mana-mana pihak atau pegawai.

4.3 Penurunan kuasa ini boleh ditarik balik pada bila-bila masa sekiranya terdapat ketidakpatuhan kepada peraturan yang ditetapkan atau apa-apa sebab lain yang diputuskan oleh Kerajaan.

5.0 TARIKH KUAT KUASA

Surat Pekeliling Pentadbiran ini berkuat kuasa mulai 3 Mac 2011.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah



HASAN BIN SIRUN

Pendaftar

Universiti Teknikal Malaysia Melaka

/ukp